



Broj: 07-06-34-17824-1/18  
Sarajevo, 10.04.2018. godine

Na osnovu člana 21. u vezi sa članom 23. Zakona o namještenicima u organima državne službe Federacije BiH („Službene novine Federacije BiH“, broj 49/05), a sve u vezi sa članom 30. stav (6) istog zakona i na osnovu Odluke broj: 07-06-34-17824/18 od 10.04.2018. godine, Ministarstvo privrede Kantona Sarajevo objavljuje

### **INTERNI OGLAS**

**za prijem namještenika u radni odnos na određeno vrijeme do povratka odsutnih  
(suspendovanih) namještenika na posao, a najduže do godinu dana  
u Upravu za šumarstvo u Odjeljenje Zapad**

**1. Naziv radnog mjesta:**

- a) Viši referent - čuvar šume ..... tri (3) izvršioca;
- b) Referent - čuvar šume ..... jedan (1) izvršilac.

**2. Opis poslova radnog mjesta**

**a) Viši referent - čuvar šume:**

čuva šumu od šumskih požara; sprječava nezakonito pokretanje drveta iz šume, ubiranje i sakupljanje sekundarnih proizvoda i stavljanje istih u promet; čuva šumu od bespravnog zauzimanja i korištenja, bespravnih sječa i sprječava bespravnu izgradnju u šumi i na šumskom zemljištu; prati pojave i kretanje biljnih bolesti i štetočina i štete nanesene šumi od divljači i provodi mjere zaštite šuma; preduzima mjere održavanja šumskog reda; sprječava oštećivanja stabala i podmladka prilikom izvođenja sječa; zaustavlja prijevozna sredstva i pregleda prateću dokumentaciju za prijevoz šumskih sortimenata; pregleda porijeklo drveta na pilanama i na drugim mjestima; preduzima mjere da se šumski putevi i vlake redovno održavaju i sprječava izgradnju neprojektovanih vlaka; sprječava istresanje i deponovanje smeća i drugih otpada u šumi i na šumskom zemljištu i uništavanje graničnih znakova; legitimise sva lica zatečena u vršenju prekršajnih radnji i krivičnih djela i odmah podnosi prijave protiv istih; vodi službenu knjigu; obavlja i druge poslove i zadatke koji proizilaze iz zakona ili po nalogu načelnika odjeljenja; za svoj rad odgovara načelniku odjeljenja.



U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

**b) Referent - čuvar šume:**

čuva šumu od šumskih požara; sprječava nezakonito pokretanje drveta iz šume, ubiranje i sakupljanje sekundarnih proizvoda i stavljanje istih u promet; čuva šumu od bespravnog zauzimanja i korištenja, od bespravnih sječa i krađe šumskih proizvoda; sprječava bespravnu izgradnju u šumi i na šumskom zemljištu; prati pojave i kretanje biljnih bolesti i štetočina i štete nanесene šumi od divljači i provodi mjere zaštite; preduzima mjere održavanja šumskog reda; sprječava oštećivanja stabala i podmladka prilikom izvođenja sječa; zaustavlja prijevozna sredstava i pregleda prateću dokumentaciju za prijevoz šumskih sortimenta; pregleda porijeklo drveta na pilanama i na drugim mjestima i preduzima mjere da se šumski putevi i vlake redovno održavaju i sprječava izgradnju neprojektovanih vlakaa; sprječava istresanje i deponovanje smeća i drugih otpada u šumi i na šumskom zemljištu i uništavanje graničnih znakova; legitimise sva lica zatečena u vršenju prekršajnih radnji i krivičnih djela i odmah podnosi prijave protiv istih; vodi službenu knjigu; obavlja i druge poslove i zadatke koji proizilaze iz zakona ili po nalogu načelnika odjeljenja; za svoj rad odgovara načelniku odjeljenja.

U obavljanju poslova koji su u opisu ovog radnog mjesta obavezan je da primjenjuje Politiku kvaliteta Kantona Sarajevo, te prati i primjenjuje sve usvojene procedure vezane za sistem upravljanja kvalitetom prema zahtjevima standarda ISO 9001.

**3. Posebni uslovi za obavljanje poslova radnog mjesta (propisani Pravilnikom o unutrašnjoj organizaciji):**

**a) Viši referent – čuvar šume:**

- SSS, završena srednja šumarska škola - IV stepen ili srednja drvena škola - smjer šumarski - IV stepen,
- najmanje deset mjeseci radnog staža u struci i položen stručni ispit,
- psihofizičke sposobnosti - pješaćenje, izdržljivost i
- dozvola za nošenje oružja.

**b) Referent – čuvar šume:**

- SSS, završena srednja šumarska škola - III stepen ili srednja drvena škola - smjer šumarski - III stepen,
- radni staž u struci do šest mjeseci i položen stručni ispit,
- psihofizičke sposobnosti - pješaćenje, izdržljivost, i
- dozvola za nošenje oružja.

**4. Spisak potrebnih dokumenata:**

Uz prijavu na Interni oglas koja sadrži kraću biografiju, adresu i kontakt telefon, kandidati su obavezni dostaviti u originalu ili ovjerenoj fotokopiji slijedeću dokumentaciju:

- Uvjerenje o državljanstvu BiH (ne starije od 6 mjeseci),



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1



- Izvod iz matične knjige rođenih,
- Ovjerenu izjavu da kandidat nije obuhvaćen odredbom člana IX 1. Ustava Bosne i Hercegovine,
- Svjedočanstvo o završenoj školi,
- Dokaz o radnom stažu u struci,
- Dokaz o položenom stručnom ispitu namještenika u organima državne službe,
- Dokaz o posjedovanju dozvole za nošenje oružja,
- Potvrdu da je kandidat u radnom odnosu u organu državne službe na bilo kojem nivou vlasti u Federaciji BiH.

Kandidati su obavezni u prijavi naznačiti na koju poziciju se prijavljuju.

Sa kandidatima koji budu ispunjavali uvjete ovog internog oglasa bit će obavljen intervju.

**NAPOMENA:** Pravo prijavljivanja na ovaj interni oglas imaju samo namještenici koji su već uposleni u organima državne službe na bilo kojem nivou vlasti u Federaciji BiH.

#### 5. Rok trajanja internog oglasa i adresa za podnošenje prijave:


Interni oglas ostaje otvoren 10 (deset) dana računajući od dana objavljivanja na Oglasnoj ploči Ministarstva privrede Kantona Sarajevo odnosno web stranici ovog ministarstva.

Prijave sa traženom dokumentacijom dostaviti u zatvorenoj koverti isključivo putem pisarnice Kantona Sarajevo na adresu:

**Kanton Sarajevo**  
**Ministarstvo privrede – Uprava za šumarstvo**  
**ul. Reisa Džemaludina Čauševića br. 1**  
**71000 Sarajevo**

sa naznakom: „*Prijava na Interni oglas za prijem namještenika na određeno vrijeme*“ - **NE OTVARATI** -

**Nepotpune i neblagovremene prijave neće se uzeti u razmatranje.**


**MINISTAR**  
  
**Dr Muharem Šabić**



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

